



[Home](#) / [Habari](#) / WASANII WATAKIWA KUW...

## WASANII WATAKIWA KUWA MFANO KATIKA ELIMU YA FEDHA

23 Jan, 2024



Kamishna Msaidizi wa Idara ya Uendelezaji wa Sekta ya Fedha, Wizara ya Fedha, Bi. Janeth Hiza na Mkurugenzi wa Shirika la Kijamii linalojishughulisha na utoaji Elimu ya Uraia TACCI, Bi. Aline Augustin, wakipeana mkono baada ya kumalizika kwa semina kwa Wasanii kutoka Shirika hilo yaliyolenga utoaji wa elimu ya fedha vijijini, iliyofanyika mkoani Morogoro.

Wasanii wanaoshiriki zoezi la kutoa elimu ya fedha kwa wananchi kutoka Shirika la Kijamii linalojishughulisha na utoaji wa Elimu ya Uraia (TACCI) lililopata semina ya elimu hiyo, wametakiwa kuwa mfano kwa jamii kwa kuzingatika sheria na kanuzi za uendeshaji wa shughuli za kutoa elimu ya huduma ndogo za fedha.

Hayo yameelezwa mkoani Morogoro na Kamishna Msaidizi wa Idara ya Uendelezaji wa Sekta ya Fedha, Wizara ya Fedha, Bi. Janeth Hiza, wakati akifunga Mafunzo ya Elimu ya Fedha kwa Wasanii TACCI, yaliolenga kutoa elimu ya fedha kwa njia bunifu ya sanaa.

“Wizara ya Fedha tunajipanga kwenda vijijini kutoa elimu ya fedha, kwa kuwatumia wasanii wa ngoma, nyimbo na maigizo na tunatamani kuona wananchi wengi zaidi wanafikiwa kwa njia rahisi lakini yenye ufanisi” alisema Bi. Hiza.

Amewataka wasanii kuendelea kubuni sanaa zinazoelimisha jamii kwa kuwa kazi za sanaa zinamvuto na hazichoshi kuzisikiliza na kuzitazama hivyo zikitumiwa kwa malengo chanya zitatoa mchango mkubwa katika kusukuma gurudumu la maendeleo nchini.

Akizungumza kwa niaba ya wasanii wa Shirika la Kijamii linalojishughulisha na utoaji wa Elimu ya Uraia (TACCI), Mtaalamu wa Sanaa za Jukwaani, Bw. Harrison Kisaka, alisema kuwa elimu waliyoipata mwanzo ilikuwa na lengo la kuisaidia jamii hasa vijijini lakini imekuwa msaada mkubwa kwa wajumbe wote wa mafunzo hayo, hivyo akaahidi kuwa watakuwa chachu ya uelewa wa elimu hiyo kwa jamii inayowazunguka.

Alisema kuwa pamoja na mambo mengine watatumia muda mrefu kuigiza, kuimba na kubuni sanaa ya ngoma zitakazo jikita kwenye elimu ya fedha ili na wao waweze kutoa mchango wao kwenye Taifa.

## Mwisho.

### Wasiliana Nasi

Jamhuri ya Muungano wa Tanzania

Wizara ya Fedha

Treasury Square Building 18 Jakaya Kikwete Road

S.L.P 2802,  
40468 Dodoma.

Barua pepe: info@hazina.go.tz

Simu: +255 26 2160000

### Kurasa za Karibu

MOF Library

Misamaha ya Kodi

Taarifa kwa Vyombo vyta Habari

Matangazo

Maktaba ya Picha

Maktaba ya Video

### Tovuti Mashuhuri

Benki kuu ya Tanzania

Kitengo cha Kudhibiti Fedha Haramu

Mamlaka ya Mapato Tanzania

Ofisi ya Taifa ya Takwimu

Ofisi ya Rais - Menejimenti ya Utumishi wa Umma na Utawala Bora

### Tovuti Muhimu

Ikulu Tanzania

Ofisi ya Makamu wa Rais

Ofisi ya Waziri Mkuu

Taarifa za GePG

Wakala wa Huduma ya Ununuzi Serikalini